

INTERINOEN FINKAPENAREN AURREAN, BENETAKO EGONKORTASUN AKORDIOAREN ALDE

Prozesu hau 2007ko ekainean Hezkuntza Sailak eta CCOOk sinatutako akordiotik dator. Negoziazioak iraun zuen bitartean, hainbeste urtetan irakasle askoren lanpostua bermatu zuen Egonkortasun Akordioaren mantentzea defendatu genuen, eta egun orduko hura berresten dugu. Aurten gauzatuko den prozesuak ez du bermatuko eskubidea duten pertsona guztien finkapena, eta ondorio oso ezkorrak eman daitezke zenbait kasutan.

Nortzuk dute finkatzeko eskubidea? Ordezkoen zerrendetan izanik, aurreko ikasturtearen hasierako esleipen prozesuan bitarteko irakasleei zuzendutako jardun osoko lanpostu-kopuruaren %50aren pareko den zenbaki arte kokatuak daudenak. Zenbaki hau aurten horrela gauzatuko da:

	Plazak	Finkatzeko	puntuak
Haur -Lehen Hezkun.	2.264	1.132	59,25
Bigarren Hezkuntza	1.636	818	68,75
Lanbide Heziketa	356	178	64'50
Musika Kontserbat.	42	21	68
Arte Eskola	12	6	21
TOTAL	4.310	2.155*	

* Plaza kopuruak ez du esan nahi pertsona kopuru bera finkatuko denik.

Zein baldintzak bete behar dira finkatua izateko? Urte osoko lanpostua izatea, edo, gutxienez, otsailaren lehen lanegunetik ikasturtearen amaiera arte ikastetxe berean era jarraian lanean aritu izana.

Gaixotasun baja edo etete iragankorreko egoera ematen bada? Finkatua izateko eskubidea onartuko zaie aurreko ikasturteko erreferentzia-plaza ikasturte osoko lanpostua izan bada.

Zein ikastetxean gauzatzen da finkatzeko eskubidea? Aurreko ikasturtean (07-08) lanean aritutako ikastetxean (erreferentziako ikastetxea). Bat baino gehiago izan badira, otsailaren lehenengo lanegunearan hasi eta ikasturtearen amaierara arte zerbitzuak eten gabe emandako ikastetxea izango da.

Finkapenari uko egiterik ba al dago? Ikastetxean 2 urtez egotea ezinbestekoa da borondatezko autodesplazamendua eskatu ahal izateko. Uko egitea onartuz gero, erreferentziako ikastetxea galduko da, eta interesatuak hautaketa-fasean parte hartu beharko du. Aurten ezin izango da uko egitea.

Ikastetxe bereko beste lanposturen batean finkatzeko aukerarik ba al dago? Aurreko ikasturtean betetako lanpostu hori ez balego edo lanpostua lehentasun gehiago duten taldeetakoren batek edo eskubide handiago duen beste bitarteko irakasle batek bete badu, orduan ikastetxean libre dagoen beste lanposturen batean finkatuko dira irakasleak, baldin eta lanpostu hori pertsona parte hartzen duen kidegokoa eta zerrendan agertzen den espezialitate batekoa bada eta pertsonak lanpostua betetzeko baldintza guztiak betetzen baditu. Finkapen hau gauzatu ondoren, lanpostu hutsak geratuko balira, hauetakoren bat hartzeko aukera izango da, beharrezko titulazioa izanez gero.

Zer gertatuko pertsona batek baino gehiagok plaza bakarra betetzeko elkartzen badira? Erreferentziako ikastetxe horretan duten antzintasunaren arabera ordenatuko dira. Antzintasun bera izanez gero, berriz, ordezkoen zerrendan duten puntuaziora joko da eta, azkenik, zerrenda horretan duten hurrenkera erlatibora.

Lanaldi murriztuko lanpostutan finkatzerik ba al dago? Hasieran ez, lanaldi osoko lanpostuak baino ez dira erabiliko, eta lanpostua eskuratu eta gero lanaldia murriztea eskatu ahal izango dute, horretarako eskubidea badute. Finkapena gauzatu ondoren, lanaldi murriztuko lanpostuak hartzeko aukera izango da, ikastetxean lanpostu hutsak izanez gero.

2. kidetasuneko lanpostuetan finkatzerik ba al dago? Ez, 1. kidetasuna soilik hartuko da kontuan.

Finkatzeko eskubidea izanik, ikastetxean plazarik ez balego? Esleipenetan parte hartu beharko da.